

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
ঢাকা

[মূল্য সংযোজন কর]

প্রজ্ঞাপন

তারিখ: ৩০ জ্যৈষ্ঠ, ১৪২৬ বঙ্গাব্দ / ১৩ জুন, ২০১৯ খ্রিষ্টাব্দ।

এস.আর.ও. নং-১৮৬-আইন/২০১৯/৪৩-মুসক।- মূল্য সংযোজন কর ও সম্পূরক শুল্ক আইন, ২০১২ (২০১২ সনের ৪৭ নং আইন) এর ধারা ৩২ক তে প্রদত্ত ক্ষমতাবলে জাতীয় রাজস্ব বোর্ড, নিম্নবর্ণিত টেবিলের কলাম (১) এ উল্লিখিত শিরনামা সংখ্যার বিপরীতে কলাম (২) এ উল্লিখিত সেবার কোডের আওতাধীন কলাম (৩) এ বর্ণিত করযোগ্য সেবার পরিধি নির্ধারণের লক্ষ্যে ব্যাখ্যা প্রদান করিল, যথা:-

“টেবিল

শিরনামা সংখ্যা	সেবার কোড	করযোগ্য সেবা
(১)	(২)	(৩)

Soos Soos.00 হোটেল ও রেস্টোরাঁ
হোটেল:

Soos.50

ব্যাখ্যা। - “হোটেল” অর্থ কোনো ক্লাবসহ, এমন কোনো প্রতিষ্ঠান, সংস্থা বা স্থান যেখানে সাময়িকভাবে অবস্থানের জন্য কোনো কক্ষ বা কক্ষসমূহের স্যুট বা অন্য কোনো ধরনের আবাসন, উহাতে ক্যাটারিং এর ব্যবস্থা অথবা যে কোনো নামে অভিহিত অন্য কোনো সেবা, সুবিধা বা উপযোগিতার ব্যবস্থা থাকুক বা না থাকুক, ভাড়া দেওয়া হয় এবং ফ্লোর শো প্রদর্শনকারী কোনো প্রতিষ্ঠানও এই সংজ্ঞার অন্তর্ভুক্ত হইবে।

Soos.20 রেস্টোরাঁ:

ব্যাখ্যা।- “রেস্টোরাঁ” অর্থ কোনো ক্লাবসহ, এমন কোনো প্রতিষ্ঠান, সংস্থা বা স্থান যেখানে অথবা যে কোনো নামে অভিহিত অন্য কোনো সেবা, সুবিধা বা উপযোগিতা প্রদান করা হউক বা না হউক, উহাতে বা অন্যত্র ভোগের উদ্দেশ্যে কোনো খাদ্য বা পানীয় বিক্রয় করা হয় এবং ফ্লোর শো প্রদর্শনকারী প্রতিষ্ঠানসহ যান্ত্রিক যানে পরিচালিত মোবাইল রেস্টোরাঁও ইহার অন্তর্ভুক্ত হইবে।

Soos Soos.00 ডেকোরেটরস ও ক্যাটারার্স:

ব্যাখ্যা।- “ডেকোরেটরস ও ক্যাটারার্স” অর্থ কোনো দোকান, ফার্ম, প্রতিষ্ঠান বা ব্যক্তিবর্গ যাহা বা যাহারা নিম্নোক্ত এক বা একাধিক সেবা প্রদান করিয়া থাকে, যথা:-

(ক) ফুল, ফেশ্টুন, বান্টিং, রঙিন কাগজ, কাপড় বা অন্য কোনো উপকরণ, যে কোনো ধরনের বৈদ্যুতিক বাতি, তোরণ,

		<p>প্যাভেল বা সামিয়ানা দ্বারা কোনো প্রাঙ্গণ, ভবন, মাঠ অথবা যানবাহন সজ্জিতকরণ; অথবা</p> <p>(খ) আসবাবপত্র বা ফিঞ্চচারস দ্বারা কোনো ভবন, প্রাঙ্গণ বা মাঠ সজ্জিতকরণ; অথবা</p> <p>(গ) যে কোনো ধরনের উৎসব বা অনুষ্ঠানে লিনেন, ফ্রোকোরিজ, কাটলারিং বা বাসনপত্র সরবরাহকরণ; অথবা</p> <p>(ঘ) কোনো খাদ্য সামগ্রী বা পানীয় প্রস্তুত, সরবরাহ বা পরিবেশনসহ যে কোনো ধরনের আপ্যায়ন।</p>
S003	S003.00	মোটর গাড়ীর গ্যারেজ, ওয়ার্কসপ এবং ডকইয়ার্ড:
	S003.10	মোটর গাড়ীর গ্যারেজ এবং ওয়ার্কসপ:
	S003.20	ডকইয়ার্ড:
		<p>ব্যাখ্যা।- “মোটর গাড়ীর গ্যারেজ, ওয়ার্কসপ এবং ডকইয়ার্ড” অর্থ এমন কোনো প্রতিষ্ঠান, সংস্থা বা স্থান যেখানে যে কোনো প্রকারের যান্ত্রিক যানবাহন বা নৌযান মেরামত, রূপান্তর (কনভার্সন) বা সার্ভিসিং করা হয় অথবা উহাদের যন্ত্রাংশের বা আকৃতির কোনো পরিবর্তন করা হয়।</p>
S008	S008.00	নির্মাণ সংস্থা:
		<p>ব্যাখ্যা।- “নির্মাণ সংস্থা” অর্থ এমন কোনো প্রতিষ্ঠান, সংস্থা বা ব্যক্তি যাহা বা যিনি বাণিজ্যিক ভিত্তিতে ভবন, যোগাযোগ মাধ্যম, পরিবহন, সড়ক, মহাসড়ক, সেতু বা অন্য যে কোনো ধরনের অবকাঠামো নির্মাণ, মেরামত বা রক্ষণাবেক্ষণ করিয়া থাকে বা থাকেন এবং কোনো অবকাঠামোর সহিত সংযুক্ত হয় বা উহার অংশ হিসাবে ব্যবহৃত হয় এইরূপ যে কোনো ধরনের স্থায়ী বা অস্থায়ী সংস্থাপনও (যেমন: শীতাতপ নিয়ন্ত্রণ ব্যবস্থা, ফলস সিলিং, লিফট ইত্যাদি) ইহার অন্তর্ভুক্ত হইবে।</p>
S005	S005.00	পণ্যাগার ও বন্দর:
	S005.10	পণ্যাগার:
		<p>ব্যাখ্যা।- “পণ্যাগার” অর্থ এমন কোনো উন্মুক্ত বা অন্যবিধ স্থান যেখানে যে কোনো পণ্য, পণের বিনিময়ে বা অন্য কোনো ভাবে মজুদ বা সংরক্ষণের ব্যবস্থা করা হয়; উক্তরূপ যে কোনো পণ্য মজুদ বা সংরক্ষণের সহায়ক প্রত্যক্ষ বা পরোক্ষ সকল প্রস্তুতিমূলক কর্মকান্ডও ইহার অন্তর্ভুক্ত হইবে।</p>
	S005.20	বন্দর:
		<p>ব্যাখ্যা।- “বন্দর” অর্থ এমন কোনো উন্মুক্ত বা অন্যবিধ স্থান যেখানে আমদানিকৃত বা রপ্তানিযোগ্য যে কোনো পণ্য পণের বিনিময়ে বা অন্য কোনোভাবে মজুদ বা সংরক্ষণের ব্যবস্থা করা হয় এবং উক্তরূপ যে কোনো পণ্য মজুদ বা সংরক্ষণের সহায়ক প্রত্যক্ষ ও পরোক্ষ সকল প্রস্তুতিমূলক কর্মকান্ডসহ মজুদকৃত অথবা সংরক্ষিত উক্তরূপ কোনো পণ্যের নিরাপত্তা স্ক্যানিং সেবাসহ পণ্য চালানোর নিষ্পত্তি বিষয়ক সকল কর্মকান্ড এবং এতদুদ্দেশ্যে পরিচালিত আইসিডি (ICD-Inland Container</p>

Depot) এবং সিএফএস (CFS-Container Freight Station) ও এই সেবার অন্তর্ভুক্ত হইবে।

S006	S006.00	হিমাগার: ব্যাখ্যা।- “হিমাগার” অর্থ এমন কোনো স্থান যেখানে তাপ নিয়ন্ত্রণ পদ্ধতিতে বা অন্য কোনো পদ্ধতিতে পণ্যের গুণগতমান অপরিবর্তিত রাখিবার জন্য বাণিজ্যিক ভিত্তিতে কোনো পণ্য সংরক্ষণের ব্যবস্থা রহিয়াছে।
S009	S009.00	বিজ্ঞাপনী সংস্থা: ব্যাখ্যা।- (ক) “বিজ্ঞাপনী সংস্থা” অর্থ কোনো পণ্যের বা সেবার প্রচারণার বা অন্য কোনো প্রচারণার উদ্দেশ্যে, বাণিজ্যিক ভিত্তিতে যে কোনো নামের বা ধরনের বিজ্ঞাপন প্রস্তুতকরণে বা উক্ত উদ্দেশ্যে প্রস্তুতকৃত কোনো বিজ্ঞাপন যে কোনো মাধ্যমে বা অন্য কোনো পন্থায় প্রচারকরণে বা প্রচার কার্যে সহায়তাকরণে নিয়োজিত কোনো ব্যক্তি, প্রতিষ্ঠান বা সংস্থা; এবং (খ) কোনো ব্যক্তি, প্রতিষ্ঠান বা সংস্থার ওয়েবসাইট বা কোনো পত্রিকা, সাময়িকী, ম্যাগাজিন, ইত্যাদি এর অনলাইন সংস্করণে বিজ্ঞাপন প্রচার করা হইলে উহাও বিজ্ঞাপনী সংস্থার অন্তর্ভুক্ত হইবে।
S008	S008.00 S008.10	ছাপাখানা ও বীধাই সংস্থা: ছাপাখানা: ব্যাখ্যা।- “ছাপাখানা” অর্থ কোনো পুস্তক বা পত্রিকা ছাপার কাজে অথবা অন্য যে কোনো নামের বা ধরনের ছাপার কাজে নিয়োজিত প্রতিষ্ঠান, সংস্থা বা ব্যক্তি।
	S008.20	বীধাই সংস্থা: ব্যাখ্যা।- “বীধাই সংস্থা” অর্থ কোনো পুস্তক, পত্রিকা বা অন্য কোনো দলিল দস্তাবেজ বা খাতাপত্র বীধাইয়ের কাজে নিয়োজিত প্রতিষ্ঠান, সংস্থা বা ব্যক্তি।
S009	S009.00	নিলামকারী সংস্থা: ব্যাখ্যা।- “নিলামকারী সংস্থা” অর্থ সরকারি এবং বেসরকারি নিলামের আয়োজনে বা পরিচালনা কার্যে নিয়োজিত কোনো প্রতিষ্ঠান, সংস্থা বা ব্যক্তি।
S010	S010.00 S010.10	ভূমি উন্নয়ন সংস্থা ও ভবন নির্মাণ সংস্থা: ভূমি উন্নয়ন সংস্থা: ব্যাখ্যা।- “ভূমি উন্নয়ন সংস্থা” অর্থ বাণিজ্যিক ভিত্তিতে ক্রয়কৃত বা অন্য যে কোনো উপায়ে প্রাপ্ত ভূমির উন্নয়ন সাধন বা চুক্তির মাধ্যমে ভূমির উন্নয়ন সাধনপূর্বক ইজারার মাধ্যমে বা অন্য কোনোভাবে পণ্যের বিনিময়ে উক্ত উন্নয়নকৃত ভূমি বিক্রয় বা হস্তান্তরকার্যে নিয়োজিত কোনো ব্যক্তি, প্রতিষ্ঠান বা সংস্থা।

	S050.20	ভবন নির্মাণ সংস্থা: ব্যাখ্যা।- “ভবন নির্মাণ সংস্থা” অর্থে বাণিজ্যিক ভিত্তিতে ক্রয়কৃত বা অন্য যে কোনো উপায়ে প্রাপ্ত ভূমির উপর ভবন নির্মাণপূর্বক ইজারার মাধ্যমে বা অন্য কোনোভাবে পণের বিনিময়ে বাণিজ্যিক ভিত্তিতে উক্ত নির্মিত ভবন বিক্রয় অথবা হস্তান্তরকার্যে নিয়োজিত কোনো ব্যক্তি, প্রতিষ্ঠান বা সংস্থা, এবং অন্য যে কোনো উপায়ে প্রাপ্ত ভূমির উপর পণের বিনিময়ে ভবন নির্মাণপূর্বক হস্তান্তর কার্যক্রমও ইহার অন্তর্ভুক্ত হইবে।
S051	S051.00	ভিডিও ক্যাসেট সপ, ভিডিও গেম সপ, অডিও ভিডিও রেকর্ডিং সপ, অডিও ও ভিডিও সিডি ভাড়া প্রদানকারী সপ:
	S051.10	ভিডিও ক্যাসেট সপ:
	S051.20	ভিডিও গেম সপ:
	S051.30	অডিও, ভিডিও রেকর্ডিং সপ:
	S051.80	ভিডিও ও অডিও সিডি ভাড়া প্রদানকারী সপ: ব্যাখ্যা।- “ভিডিও ক্যাসেট সপ, ভিডিও গেম সপ, অডিও, ভিডিও রেকর্ডিং সপ, অডিও ও ভিডিও সিডি ভাড়া প্রদানকারী সপ” অর্থ বাণিজ্যিক ভিত্তিতে ভিডিও ক্যাসেট বা ভিডিও গেম বা অডিও ও ভিডিও সিডি বিক্রয় অথবা উহা সাময়িকভাবে ব্যবহারের সুযোগ প্রদান অথবা অডিও বা ভিডিও বা ভিডিও সিডি রেকর্ডিং এর কাজে নিয়োজিত কোনো প্রতিষ্ঠান, সংস্থা বা ব্যক্তি।
S052	S052.00	টেলিফোন, টেলিপ্রিন্টার, টেলেক্স, ফ্যাক্স বা ইন্টারনেট সংস্থা ও সিম কার্ড সরবরাহকারী:
	S052.10	টেলিফোন:
	S052.11	টেলিপ্রিন্টার:
	S052.12	টেলেক্স:
	S052.13	ফ্যাক্স:
	S052.18	ইন্টারনেট সংস্থা: ব্যাখ্যা।- “টেলিফোন, টেলিপ্রিন্টার, টেলেক্স, ফ্যাক্স বা ইন্টারনেট সংস্থা” অর্থ টেলিফোন, টেলিপ্রিন্টার, টেলেক্স, ফ্যাক্স বা ইন্টারনেট এর মাধ্যমে বাণিজ্যিক ভিত্তিতে যোগাযোগ স্থাপন, তথ্য বা উপাত্ত আদান-প্রদানের ব্যবস্থাকারী কোনো ব্যক্তি, প্রতিষ্ঠান বা সংস্থা।
	S052.20	সিম কার্ড সরবরাহকারী: ব্যাখ্যা।- “সিম কার্ড সরবরাহকারী” অর্থ পণের বিনিময়ে Subscriber's Identity Module (SIM) কার্ড, Removable User Identification Module (RUIM) কার্ড বা অনুরূপ অন্য কোনো microchip সংবলিত কার্ডের মাধ্যমে সেলুলার

(Mobile/ Fixed Wireless) টেলিফোন সংযোগ প্রদানকারী সংস্থা; এবং একই উদ্দেশ্যপূরণকল্পে উল্লিখিত কার্ড ব্যতীত Code Division Multiple Access (CDMA) বা অনুরূপ অন্য কোনো পদ্ধতি ব্যবহারও এই সেবার অন্তর্ভুক্ত হইবে।

S০১৩	S০১৩.০০	যান্ত্রিক লন্ডি: ব্যাখ্যা।- “যান্ত্রিক লন্ডি” অর্থ বাণিজ্যিক ভিত্তিতে যান্ত্রিক পদ্ধতিতে কোনো পোশাক, পরিচ্ছদ বা উহার অংশ বিশেষ বা যে কোনো ধরনের বস্ত্র, আচ্ছাদন বা মোড়ক ধোলাই, ইঞ্জি, রং, রিপু, কাটা বা পলিস করিবার কার্যে নিয়োজিত কোনো স্থান, প্রতিষ্ঠান বা সংস্থা।
S০১৪	S০১৪.০০	ইন্ডেনটিং সংস্থা: ব্যাখ্যা।- “ইন্ডেনটিং সংস্থা” অর্থ দেশি বা বিদেশি ক্রেতা এবং বিক্রেতার মধ্যে বাণিজ্যিক ভিত্তিতে পণ্য বা সেবা ক্রয়-বিক্রয় বা আদান-প্রদান সম্পর্কিত যোগাযোগ স্থাপন অথবা অনুরূপ ক্রয়-বিক্রয় বা আদান-প্রদান সংক্রান্ত চুক্তি সম্পাদনে প্রয়োজনীয় সমন্বয় কার্যে নিয়োজিত কোনো প্রতিষ্ঠান বা সংস্থা।
S০১৫	S০১৫.০০ S০১৫.১০	ফ্রেইট ফরোয়ার্ডার্স এবং ক্লিয়ারিং ও ফরোয়ার্ডিং সংস্থা: ফ্রেইট ফরোয়ার্ডার্স: ব্যাখ্যা।- “ফ্রেইট ফরোয়ার্ডার্স” অর্থ পণের বিনিময়ে পণ্য মোড়কজাতকরণ বা অন্যের দ্বারা মোড়কজাতকৃত বা মোড়কজাতকরণ ব্যতীত কোনো পণ্য বুকিং এর মাধ্যমে গন্তব্যস্থলে প্রেরণের জন্য বাণিজ্যিক ভিত্তিতে পরিবহন ব্যবসা সংক্রান্ত কার্য সম্পাদনকারী ব্যক্তি, প্রতিষ্ঠান বা সংস্থা।
	S০১৫.২০	ক্লিয়ারিং ও ফরোয়ার্ডিং সংস্থা: ব্যাখ্যা।- “ক্লিয়ারিং ও ফরোয়ার্ডিং সংস্থা” অর্থ বিদেশ হইতে আমদানিকৃত বা বিদেশে রপ্তানিযোগ্য কোনো পণ্য পণের বিনিময়ে বা খোদ খালাসী (self clearance) এর উদ্দেশ্যে শুল্ক আনুষ্ঠানিকতা সম্পন্ন করিবার লক্ষ্যে Customs Act, 1969 (Act No. IV of 1969) এর section 207 এর অধীন লাইসেন্স প্রাপ্ত কোনো ব্যক্তি, প্রতিষ্ঠান বা সংস্থা।
S০১৬	S০১৬.০০	ট্রাভেল এজেন্সি: ব্যাখ্যা।- “ট্রাভেল এজেন্সি” অর্থ কমিশন ভিত্তিতে কোনো যাত্রী পরিবহন প্রতিষ্ঠানের পক্ষে যাত্রী সাধারণের নিকট এক স্থান হইতে অন্য স্থানে যাতায়াতের জন্য টিকিট বিক্রয় কার্যে নিয়োজিত কোনো প্রতিষ্ঠান বা সংস্থা।
S০১৭	S০১৭.০০	কমিউনিটি সেন্টার: ব্যাখ্যা।- “কমিউনিটি সেন্টার” অর্থ বিবাহ, জন্মদিন, সেমিনার, সিম্পোজিয়াম বা অন্য কোনো সাংস্কৃতিক, সামাজিক বা রাজনৈতিক অনুষ্ঠান সম্পাদনের নিমিত্ত সাময়িকভাবে ভাড়া প্রদত্ত কোনো ভবন বা প্রাঙ্গণ এবং তদসংশ্লিষ্ট অনুষ্ঠান সম্পাদন

সংক্রান্ত কার্যাবলির মধ্যে খাদ্য পরিবেশনও অন্তর্ভুক্ত হইবে।

S০১৮	S০১৮.০০	চলচ্চিত্র স্টুডিও: ব্যাখ্যা।- “চলচ্চিত্র স্টুডিও” অর্থ চলচ্চিত্র রেকর্ডিং এর সুবিধা সংবলিত কোনো স্থান, প্রাঙ্গণ বা ভবন যাহা অর্থের বিনিময়ে ব্যবহার করিবার সুযোগ প্রদান করা হয়।
S০১৯	S০১৯.০০	ফটো নির্মাতা: ব্যাখ্যা।- “ফটো নির্মাতা” অর্থ বাণিজ্যিক ভিত্তিতে রঞ্জিন বা সাদাকালো ফটো প্রস্তুতকরণ বা ফিল্ম প্রক্রিয়াকরণে নিয়োজিত কোনো ব্যক্তি বা প্রতিষ্ঠান বা সংস্থা
S০২০	S০২০.০০	জরিপ সংস্থা: ব্যাখ্যা।- “জরিপ সংস্থা” অর্থ বাণিজ্যিক ভিত্তিতে আমদানিকৃত, রপ্তানিতব্য, দেশের অভ্যন্তরে মজুদকৃত বা সরবরাহকৃত পণ্যের জরিপ কার্যে অথবা বীমা সংক্রান্ত জরিপ কার্যে অথবা ভূমি জরিপসহ সকল প্রাকৃতিক, আর্থিক, মানব ও কারিগরি সম্পদ পরিমাপ বা জরিপ কার্যে বা আর্থ-সামাজিক জরিপ কার্যে বা অন্য যে কোনো জরিপ কার্যে নিয়োজিত যে কোনো ব্যক্তি, প্রতিষ্ঠান বা সংস্থা, এবং পণ্যের বিনিময়ে যে কোনো ধরনের ভৌত বা রাসায়নিক পরীক্ষা সম্পাদনকারী বা যে কোনো বিষয়ের সম্ভাব্যতা যাচাইকারী বা কোনো প্রতিষ্ঠানের মান (standardization) প্রত্যয়ন বা পারফরমেন্স অডিট সম্পাদনকারী প্রতিষ্ঠান এবং মেরিন সার্ভেয়ার প্রতিষ্ঠানও ইহার অন্তর্ভুক্ত হইবে।
S০২১	S০২১.০০	প্ল্যান্ট বা মূলধনী যন্ত্রপাতি ভাড়া প্রদানকারী সংস্থা: ব্যাখ্যা।- “প্ল্যান্ট বা মূলধনী যন্ত্রপাতি ভাড়া প্রদানকারী সংস্থা” অর্থ অর্থের বিনিময়ে কোনো প্ল্যান্ট বা মূলধনী যন্ত্রপাতি অন্য কোনো ব্যক্তি, প্রতিষ্ঠান বা সংস্থাকে ব্যবহারের সুযোগ প্রদানকারী কোনো ব্যক্তি, প্রতিষ্ঠান বা সংস্থা।
S০২২	S০২২.০০	মিষ্টান্ন ভান্ডার: ব্যাখ্যা।- “মিষ্টান্ন ভান্ডার” অর্থ মিষ্টান্ন বা মিষ্টান্নজাতীয় খাদ্য সামগ্রী প্রস্তুতকরণ বা বিক্রয়ে নিয়োজিত কোনো ব্যক্তি, প্রতিষ্ঠান বা সংস্থা।
S০২৩	S০২৩.১০	চলচ্চিত্র প্রদর্শক (প্রেক্ষাগৃহ): ব্যাখ্যা।- “চলচ্চিত্র প্রদর্শক” অর্থ দর্শকদের উপভোগের জন্য বাণিজ্যিক ভিত্তিতে চলচ্চিত্র প্রদর্শনকারী বা প্রদর্শনের ব্যবস্থাপনাকারী কোনো ব্যক্তি, প্রতিষ্ঠান বা সংস্থা।
	S০২৩.২০	চলচ্চিত্র পরিবেশক: ব্যাখ্যা।- “চলচ্চিত্র পরিবেশক” অর্থ চলচ্চিত্র প্রযোজনা বা নির্মাতা বা নিবেদক সংস্থা বা প্রতিষ্ঠানের নিকট হইতে সংগৃহীত চলচ্চিত্র অর্থের বিনিময়ে চলচ্চিত্র প্রদর্শক (প্রেক্ষাগৃহ) বা

সম্প্রচার কর্তৃপক্ষ বা অন্য কোনো ব্যক্তি বা সংস্থার নিকট হস্তান্তরকারী কোনো ব্যক্তি, প্রতিষ্ঠান বা সংস্থা।

S০২৪	S০২৪.০০	আসবাবপত্র:
	S০২৪.১০	আসবাবপত্রের উৎপাদক: ব্যাখ্যা।- “আসবাবপত্রের উৎপাদক” অর্থ এমন কোন ব্যক্তি, প্রতিষ্ঠান বা সংস্থা যিনি বা যাহারা আসবাবপত্র প্রস্তুত কিংবা মেরামত করিয়া পণের বিনিময়ে বা অন্যবিধভাবে সরবরাহ করিয়া থাকেন।
	S০২৪.২০	আসবাবপত্রের বিপণন কেন্দ্র: ব্যাখ্যা।- “আসবাবপত্রের বিপণন কেন্দ্র” অর্থ নিজস্ব প্রস্তুতকৃত বা অন্যের দ্বারা প্রস্তুতকৃত যে কোনো আসবাবপত্র পণের বিনিময়ে বা অন্যবিধভাবে বিক্রয়ের স্থান।
S০২৫	S০২৫.০০	ওয়াসা: ব্যাখ্যা।- “ওয়াসা” অর্থ পানি সরবরাহ ও পয়ঃনিষ্কাশন কর্তৃপক্ষ আইন, ১৯৯৬ (১৯৯৬ সনের ৬ নং আইন) এর ধারা ৩ এর অধীন প্রতিষ্ঠিত পানি সরবরাহ ও পয়ঃ নিষ্কাশন কর্তৃপক্ষ।
S০২৬	S০২৬.০০	স্বর্ণকার ও রৌপ্যকার এবং স্বর্ণের ও রৌপ্যের দোকানদার এবং স্বর্ণ পাকাকারী: ব্যাখ্যা।- (১) “স্বর্ণকার ও রৌপ্যকার এবং স্বর্ণ ও রৌপ্যের দোকানদার কর্তৃক প্রদত্ত সেবা” অর্থ মজুরি বা সার্ভিস চার্জের বিনিময়ে স্বর্ণ বা রৌপ্যের কিংবা স্বর্ণ ও রৌপ্যের অলংকার প্রস্তুত, মেরামত, মজুদ বা বিপণন কার্যে নিয়োজিত কোনো ব্যক্তি, প্রতিষ্ঠান বা সংস্থা; এবং (২) “স্বর্ণ পাকাকারী” অর্থ স্বর্ণ গলাইয়া বা পরিষ্কার করিয়া বা অন্য কোনো পদ্ধতিতে তেজাবি স্বর্ণ বা স্বর্ণপিণ্ড প্রস্তুত ও বিপণনকারী।
S০২৭	S০২৭.০০	বীমা কোম্পানি: ব্যাখ্যা।- “বীমা কোম্পানি” অর্থ অগ্নি, নৌ, বিমান, মোটর, স্বাস্থ্যগত দুর্ঘটনাসহ অন্যান্য যে কোনো দুর্ঘটনার ক্ষেত্রে বীমা পলিসি (জীবন বীমা পলিসি ব্যতীত) এর মাধ্যমে ক্ষতিপূরণ ব্যবস্থা সংক্রান্ত ব্যবসা পরিচালনায় নিয়োজিত কোনো ব্যক্তি, প্রতিষ্ঠান বা সংস্থা।
S০২৮	S০২৮.০০	কুরিয়ার (courier) ও এক্সপ্রেস মেইল সার্ভিস: ব্যাখ্যা।- “কুরিয়ার (courier) ও এক্সপ্রেস মেইল সার্ভিস” অর্থ দেশের অভ্যন্তরে অথবা দেশের বাহিরে অর্থের বিনিময়ে বার্তা, সংবাদ, তথ্য, দলিলপত্র, পণ্য বা পার্সেল (ওজনসীমা ১০ কেজি পর্যন্ত) প্রেরণে এবং দেশের অভ্যন্তরে ফি বা চার্জের বিনিময়ে মোবাইল, ইন্টারনেট, ফোন, ফ্যাক্স বা অন্য কোনো ইলেক্ট্রনিক মিডিয়া এর মাধ্যমে যোগাযোগের ভিত্তিতে অর্থ আদান-প্রদানে নিয়োজিত ব্যক্তি, প্রতিষ্ঠান বা সংস্থা (সরকারি ডাক বিভাগ এবং

সেবা শিরোনামা সংখ্যা S০১৫ এ বর্ণিত ব্যক্তি, প্রতিষ্ঠান বা সংস্থা ব্যতীত), তবে সরকারি ডাক বিভাগ বা বেসরকারি যে কোনো সংস্থা কর্তৃক প্রদত্ত এক্সপ্রেস মেইল ইহার অন্তর্ভুক্ত হইবে।

S০২৯	S০২৯.০০	জ্যোতিষী: ব্যাখ্যা।- “জ্যোতিষী” অর্থ কোনো ব্যক্তি বা সংস্থা বা প্রতিষ্ঠান, যিনি বা যাহারা পণের বিনিময়ে ভাগ্য গণনা বা ভবিষ্যৎ বর্ণনা করিয়া থাকেন এবং এইরূপ উদ্দেশ্যে কোনো প্রকার ধাতু, পাথর বা ধাতব পদার্থ দ্বারা তৈরি কোন অলংকার বা পরিধেয় বিতরণ, বিক্রি বা অন্য যে কোনো পণ্য বা সেবা সরবরাহ করেন।
S০৩০	S০৩০.০০	বিউটি পার্লার: ব্যাখ্যা।- “বিউটি পার্লার” অর্থ এমন কোনো স্থান, প্রতিষ্ঠান বা সংস্থা যেইখানে বাণিজ্যিক ভিত্তিতে নারী বা পুরুষ বা উভয়ের কেশসজ্জা, অঙ্গসজ্জা বা রূপসজ্জামূলক সেবা প্রদানের বা তদানুযায়ী কোনো সুযোগ-সুবিধা প্রদানের ব্যবস্থা রহিয়াছে।
S০৩১	S০৩১.০০	পণের বিনিময়ে করযোগ্য পণ্য মেরামত বা সার্ভিসিং এর কাজে নিয়োজিত ব্যক্তি, প্রতিষ্ঠান বা সংস্থা: ব্যাখ্যা।- “পণের বিনিময়ে করযোগ্য পণ্য মেরামত বা সার্ভিসিং এর কাজে নিয়োজিত ব্যক্তি, প্রতিষ্ঠান বা সংস্থা” অর্থ পণের বিনিময়ে নিজস্ব প্লান্ট, মেশিনারী বা যন্ত্রপাতি দ্বারা অন্যের মালিকানাধীন কোনো করযোগ্য পণ্য মেরামত বা সার্ভিসিং এর কাজে নিয়োজিত কোনো ব্যক্তি, প্রতিষ্ঠান বা সংস্থা।
S০৩২	S০৩২.০০	কনসালটেন্সী ফার্ম ও সুপারভাইজরী ফার্ম: ব্যাখ্যা।- “কনসালটেন্সী ফার্ম বা সুপারভাইজরী ফার্ম” অর্থ পণের বিনিময়ে যে কোনো পরামর্শক সেবা প্রদানে নিয়োজিত কোনো ব্যক্তি, সংস্থা বা প্রতিষ্ঠান যিনি কোনো সম্ভাব্যতা যাচাই, প্রকল্প প্রণয়ন বা বাস্তবায়ন বা পরিকল্পনা প্রণয়ন বা বাস্তবায়নের পরামর্শ প্রদান করেন অথবা উহা বাস্তবায়নের তদারকি করেন।
S০৩৩	S০৩৩.০০	ইজারাদার: ব্যাখ্যা।- “ইজারাদার” অর্থ পণের বিনিময়ে কোনো স্থান বা স্থাপনার অথবা কোনো স্থাবর সম্পত্তি বা কোনো স্থানে প্রবেশাধিকারের ইজারা গ্রহণকারী ব্যক্তি, প্রতিষ্ঠান বা সংস্থা এবং উক্তরূপ ইজারা প্রদান ব্যতিরেকে নিজস্ব ব্যবস্থাপনায় ইজারার স্থান বা স্থাপনার টোল, ফি, হাসিল বা খাস সংগ্রহকারীও ইহার অন্তর্ভুক্ত হইবেন।
S০৩৪	S০৩৪.০০	অডিট এন্ড এ্যাকাউন্টিং ফার্ম: ব্যাখ্যা।- “অডিট এন্ড এ্যাকাউন্টিং ফার্ম” অর্থ পণের বিনিময়ে কোনো ব্যক্তি বা প্রতিষ্ঠানের বার্ষিক বা কোনো নির্দিষ্ট মেয়াদের আয়-ব্যয় নিরীক্ষা অথবা হিসাব পরীক্ষা বা সংরক্ষণের কাজে নিয়োজিত কোনো ব্যক্তি, প্রতিষ্ঠান বা সংস্থা।

S০৩৫	S০৩৫.০০	<p>শিপিং এজেন্ট:</p> <p>ব্যাখ্যা।- “শিপিং এজেন্ট” অর্থ Customs Act, 1969 (Act No. IV of 1969) এর section 2 (g) তে সংজ্ঞায়িত “conveyance” এর আগমন, অবস্থান ও প্রস্থানে সংশ্লিষ্ট ব্যবসায় পরিচালনাকারী ব্যক্তি, প্রতিষ্ঠান বা সংস্থা এবং কোনো বিদেশি শিপিং লাইনের স্থানীয় এজেন্টও ইহার অন্তর্ভুক্ত হইবে।</p>
S০৩৬	S০৩৬.০০ S০৩৬.১০	<p>শীতাতপ নিয়ন্ত্রিত বা তাপানুকূল বাস, লঞ্চ ও রেলওয়ে সার্ভিস:</p> <p>শীতাতপ নিয়ন্ত্রিত বা তাপানুকূল বাস সার্ভিস:</p> <p>ব্যাখ্যা।- “শীতাতপ নিয়ন্ত্রিত বা তাপানুকূল বাস সার্ভিস” অর্থ এমন কোনো ব্যক্তি, প্রতিষ্ঠান বা সংস্থা যিনি শীতাতপ নিয়ন্ত্রিত বা তাপানুকূল বাস, মিনিবাস বা কোষ্টারের মাধ্যমে যাত্রী পরিবহন ব্যবসাতে নিয়োজিত।</p>
	S০৩৬.২০	<p>শীতাতপ নিয়ন্ত্রিত বা তাপানুকূল লঞ্চ সার্ভিস:</p> <p>ব্যাখ্যা।- “শীতাতপ নিয়ন্ত্রিত বা তাপানুকূল লঞ্চ সার্ভিস” অর্থ এমন কোনো ব্যক্তি, প্রতিষ্ঠান বা সংস্থা যিনি এক বা একাধিক শীতাতপ নিয়ন্ত্রিত বা তাপানুকূল কেবিন বা কক্ষ বিশিষ্ট লঞ্চ বা স্টীমারের মাধ্যমে যাত্রী পরিবহন ব্যবসাতে নিয়োজিত।</p>
	S০৩৬.৩০	<p>শীতাতপ নিয়ন্ত্রিত বা তাপানুকূল রেলওয়ে সার্ভিস:</p> <p>ব্যাখ্যা।- “শীতাতপ নিয়ন্ত্রিত বা তাপানুকূল রেলওয়ে সার্ভিস” অর্থ এমন কোনো ব্যক্তি, প্রতিষ্ঠান বা সংস্থা যিনি এক বা একাধিক শীতাতপ নিয়ন্ত্রিত বা তাপানুকূল কেবিন বা কক্ষ বিশিষ্ট ট্রেনের মাধ্যমে যাত্রী পরিবহন ব্যবসাতে নিয়োজিত।</p>
S০৩৭	S০৩৭.০০	<p>যোগানদার (Procurement Provider):</p> <p>ব্যাখ্যা।- “যোগানদার” অর্থ কোটেশন বা দরপত্র বা অন্যবিধভাবে কোনো মন্ত্রণালয়, বিভাগ বা দপ্তর, আধা-সরকারি বা স্বায়ত্বশাসিত কোনো সংস্থা, রাষ্ট্রীয় মালিকানাধীন কোনো প্রতিষ্ঠান, স্থানীয় কর্তৃপক্ষ, পরিষদ বা অনুরূপ কোনো সংস্থা, এনজিও বিষয়ক ব্যুরো বা সমাজসেবা অধিদপ্তর কর্তৃক অনুমোদিত কোনো বেসরকারি প্রতিষ্ঠান, কোনো ব্যাংক, বীমা কোম্পানি বা অনুরূপ আর্থিক প্রতিষ্ঠান, কোনো মাধ্যমিক বা তদুর্ধ্ব পর্যায়ের শিক্ষা প্রতিষ্ঠান, কোনো লিমিটেড কোম্পানি এবং ১ (এক) কোটি টাকার অধিক টার্নওভারযুক্ত প্রতিষ্ঠান এর নিকট পণের বিনিময়ে অব্যাহতিপ্রাপ্ত সরবরাহ ব্যতীত যে কোনো পণ্য বা সেবা বা উভয়ই সরবরাহ করেন এমন কোনো ব্যক্তি, প্রতিষ্ঠান বা সংস্থা।</p>
S০৩৮	S০৩৮.০০	<p>বিদেশি শিল্পী সহযোগে বিনোদনমূলক সাংস্কৃতিক অনুষ্ঠান আয়োজক:</p> <p>ব্যাখ্যা।- “বিদেশি শিল্পী সহযোগে বিনোদনমূলক সাংস্কৃতিক অনুষ্ঠান আয়োজক” অর্থ পণ বা সম্মানীর বিনিময়ে বাংলাদেশের নাগরিক নহেন এমন কোনো শিল্পী অথবা বাংলাদেশের নাগরিক</p>

		নহেন এমন কোনো শিল্পী সংস্থা সহযোগে নৃত্য, সংগীত, ব্যান্ড শো, কনসার্ট বা অন্য যে কোনো নামের বা ধরনের সাংস্কৃতিক অনুষ্ঠান, জলসা বা শো আয়োজন করেন এমন কোনো ব্যক্তি, প্রতিষ্ঠান বা সংস্থা।
S০৩৯	S০৩৯.০০	স্যাটেলাইট ক্যাবল অপারেটর ও স্যাটেলাইট চ্যানেল ডিস্ট্রিবিউটর:
	S০৩৯.১০	স্যাটেলাইট ক্যাবল অপারেটর: ব্যাখ্যা।- “স্যাটেলাইট ক্যাবল অপারেটর” অর্থ ডিশ এন্টেনা বা অন্য কোনো মাধ্যমে স্যাটেলাইট প্রোগ্রাম গ্রহণপূর্বক তাহা ক্যাবল বা তারের মাধ্যমে বাণিজ্যিক ভিত্তিতে পণের বিনিময়ে অফিস, বাড়ি, ব্যবসাস্থল, অন্য কোনো স্থানে বা অঙ্গণে সংযোগদান করেন এমন কোনো ব্যক্তি, প্রতিষ্ঠান বা সংস্থা।
	S০৩৯.২০	স্যাটেলাইট চ্যানেল ডিস্ট্রিবিউটর: ব্যাখ্যা।- “স্যাটেলাইট চ্যানেল ডিস্ট্রিবিউটর” অর্থ ডিশ এন্টেনা বা অন্য কোনো মাধ্যমে স্যাটেলাইট টিভি চ্যানেলের প্রোগ্রাম গ্রহণপূর্বক তা ক্যাবল বা অন্য কোনো মাধ্যমে স্যাটেলাইট ক্যাবল অপারেটর, অন্য কোনো ব্যক্তি বা সংস্থাকে পণের বিনিময়ে সংযোগদান করেন, উক্তরূপ প্রোগ্রাম ধরনের স্বত্ব বা অধিকার প্রদান করেন অথবা যান্ত্রিক সংযোগ দ্বারা উক্তরূপ প্রোগ্রাম দর্শন বা প্রচারের অনুমতি প্রদান করেন এমন কোনো ব্যক্তি, প্রতিষ্ঠান বা সংস্থা, যিনি বাংলাদেশে মূল চ্যানেল মালিকের প্রতিনিধিত্ব করেন।
S০৪০	S০৪০.০০	সিকিউরিটি সার্ভিস: ব্যাখ্যা।- “সিকিউরিটি সার্ভিস” অর্থ বাণিজ্যিক ভিত্তিতে যে কোনো স্থাবর বা অস্থাবর সম্পত্তি, ভবন, কমপ্লেক্স, অংগন, অফিস বা অন্য যে কোনো ধরনের স্থাপনার বা কোনো ব্যক্তির ব্যক্তিগত নিরাপত্তা বিধানের জন্য প্রহরী, কর্মী, জনবল বা যন্ত্রপাতি সরবরাহ কাজে নিয়োজিত কোনো ব্যক্তি বা প্রতিষ্ঠান।
S০৪১	S০৪১.০০	ম্যারেজ মিডিয়া: ব্যাখ্যা।- “ম্যারেজ মিডিয়া” অর্থ এমন কোনো ব্যক্তি, সংস্থা বা প্রতিষ্ঠান যিনি বা যাহারা পণের বিনিময়ে পাত্র-পাত্রীর মধ্যে যোগসূত্র স্থাপনসহ বৈবাহিক সম্পর্ক স্থাপনের লক্ষ্যে সহযোগিতা প্রদান করিয়া থাকেন।
S০৪২	S০৪২.০০	স্বয়ংক্রিয় বা যন্ত্রচালিত করাতকল: ব্যাখ্যা।- “স্বয়ংক্রিয় বা যন্ত্রচালিত করাতকল” অর্থ স্বয়ংক্রিয় বা যন্ত্রচালিত করাত কল যাহার দ্বারা কোনো ব্যক্তি বা প্রতিষ্ঠান পণের বিনিময়ে গাছ, গাছের কান্ড বা গুঁড়ি বা শাখা প্রশাখা চেরাই কিংবা যে কোনো ধরনের কাঠ কর্তন, চেরাই, মসৃণ করিবার কাজ করিয়া থাকেন এবং কাঠ সিজনিং প্লান্টও ইহার অন্তর্ভুক্ত হইবে।
S০৪৩	S০৪৩.০০	টেলিভিশন ও অনলাইন সম্প্রচার মাধ্যমে অনুষ্ঠান সরবরাহকারী:

		<p>ব্যাখ্যা।- “টেলিভিশন ও অনলাইন সম্প্রচার মাধ্যমে অনুষ্ঠান সরবরাহকারী” অর্থ টেলিভিশন ও অনলাইন সম্প্রচার মাধ্যমে প্রচারের উদ্দেশ্যে তৈরিকৃত বিনোদনমূলক অনুষ্ঠান, ম্যাগাজিন অনুষ্ঠান, মিউজিক ভিডিও, প্রামাণ্যচিত্র, নাটক, টেলিফিল্ম, শর্ট ফিল্ম, টকশো, কিংবা অনুরূপ যে কোনো অনুষ্ঠান সরবরাহ যাহা সম্প্রচারকারী প্রতিষ্ঠান কর্তৃক নিজস্ব ব্যবস্থাপনায় নির্মিত হউক বা না হউক।</p>
S088	S088.00	<p>বিআরটিএ প্রদত্ত সেবা:</p> <p>ব্যাখ্যা।- “বিআরটিএ প্রদত্ত সেবা” অর্থ বাংলাদেশ সড়ক পরিবহন কর্তৃপক্ষ কর্তৃক গাড়ীর রেজিস্ট্রেশন, রুট পারমিট, ফিটনেস সনদ, মালিকানা সনদ ইত্যাদি গ্রহণ ও নবায়ন সংক্রান্ত সেবা।</p>
S08৫	S08৫.00	<p>আইন পরামর্শক:</p> <p>ব্যাখ্যা।- “আইন পরামর্শক” অর্থ এমন কোনো ব্যক্তি, আইনজীবী অথবা কতিপয় আইনজীবী সমন্বয়ে গঠিত যে কোনো চেম্বার বা প্রতিষ্ঠান, যিনি এককভাবে কিংবা এক বা একাধিক জুনিয়র আইনজীবী সহযোগে নিজস্ব বাসভবনে অথবা এককভাবে কিংবা এক বা একাধিক জুনিয়র আইনজীবী সহযোগে অন্য কোথাও স্থাপিত চেম্বারে বা প্রতিষ্ঠানে কোনো ফৌজদারী বা দেওয়ানী প্রকৃতির মামলা অথবা অন্য কোনো বিষয়ে পণের বিনিময়ে কোনো ব্যক্তি বা প্রতিষ্ঠান বা সংস্থা বা কোম্পানীকে আইনানুগ পরামর্শ প্রদানসহ প্রত্যক্ষ বা পরোক্ষভাবে উক্ত বিষয় সম্পর্কিত কার্যনির্বাহ করিয়া থাকেন।</p>
S08৬	S08৬.00	<p>হেলথ ক্লাব ও ফিটনেস সেন্টার:</p> <p>ব্যাখ্যা।- “হেলথ ক্লাব ও ফিটনেস সেন্টার” অর্থ এমন কোনো স্থান (খোলা বা আবদ্ধ যাহাই হউক না কেন) যেখানে পণের বিনিময়ে শারীরিক সৌন্দর্য বৃদ্ধিকল্পে, শারীরিক গঠন ঠিক রাখিবার বা শারীরিক সমস্যা উপশমের উদ্দেশ্যে শরীরচর্চা করানো হয় অথবা যন্ত্রপাতি ও সুইমিংপুল ইত্যাদি ব্যবহারের সুযোগ দেওয়া হয় অথবা উক্ত বিষয়ে বিশেষজ্ঞ পরামর্শ ও প্রশিক্ষণ প্রদান করা হয়।</p>
S08৭	S08৭.00	<p>খেলাধুলা আয়োজক:</p> <p>ব্যাখ্যা।- “খেলাধুলা আয়োজক” অর্থ এমন কোনো ব্যক্তি, প্রতিষ্ঠান বা সংস্থা যিনি, জাতীয় বা আন্তর্জাতিক পর্যায়ের প্রতিযোগিতামূলক খেলাধুলা প্রদর্শনার্থে দর্শকদের নিকট হইতে ফি, টিকেট মূল্য বা কোনো প্রকার বিনিময় মূল্য গ্রহণ করেন।</p>
S08৮	S08৮.00	<p>পরিবহন ঠিকাদার:</p> <p>ব্যাখ্যা।- “পরিবহন ঠিকাদার” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা বাণিজ্যিক ভিত্তিতে পণের বিনিময়ে কোনো সরকারি, আধা-সরকারি, স্বায়ত্ত্বশাসিত প্রতিষ্ঠান, বেসরকারি সংস্থা (এনজিও), ব্যাংক, বীমা বা অন্য কোনো আর্থিক প্রতিষ্ঠান, মাধ্যমিক বা তদূর্ধ্ব পর্যায়ের (Post</p>

		Secondary) শিক্ষা প্রতিষ্ঠান, লিমিটেড কোম্পানি বা ১ (এক) কোটি টাকার অধিক বার্ষিক টার্নওভারযুক্ত প্রতিষ্ঠানে তালিকাভুক্ত হউক বা না হউক, পণের বিনিময়ে যে কোনো পণ্য পরিবহনপূর্বক গন্তব্যস্থলে পৌঁছানোর দায়িত্ব পালন করেন।
S08৯	S08৯.০০	যানবাহন ভাড়া প্রদানকারী: ব্যাখ্যা।- “যানবাহন ভাড়া প্রদানকারী” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা বাণিজ্যিক ভিত্তিতে পণের বিনিময়ে সরকারি, আধা-সরকারি, স্বায়ত্তশাসিত প্রতিষ্ঠান, বেসরকারি সংস্থা (এনজিও), ব্যাংক, বীমা বা অন্য কোনো আর্থিক প্রতিষ্ঠান, মাধ্যমিক বা তদূর্ধ্ব পর্যায়ের (Post Secondary) শিক্ষা প্রতিষ্ঠান, লিমিটেড কোম্পানি বা ১ (এক) কোটি টাকার অধিক বার্ষিক টার্নওভারযুক্ত প্রতিষ্ঠানকে কার (ট্যাক্সিক্যাব ব্যতীত), জীপ, মাইক্রোবাস, বাস, কোষ্টার, মিনিবাস, ট্রেন, লঞ্চ, স্পীডবোট, ট্রলার বা অনুরূপ যে কোনো নামের বা ধরনের স্থলযান বা জলযান ভাড়া প্রদান করেন।
S0৫০	S0৫০.০০	আর্কিটেক্ট, ইন্টেরিয়র ডিজাইনার বা ইন্টেরিয়র ডেকোরেটর ও গ্রাফিক ডিজাইনার:
	S0৫০.১০	আর্কিটেক্ট, ইন্টেরিয়র ডিজাইনার বা ইন্টেরিয়র ডেকোরেটর: ব্যাখ্যা।- “আর্কিটেক্ট, ইন্টেরিয়র ডিজাইনার বা ইন্টেরিয়র ডেকোরেটর” অর্থ এমন কোনো ব্যক্তি, প্রতিষ্ঠান বা সংস্থা যিনি বাণিজ্যিক ভিত্তিতে, পণের বিনিময়ে বাসভবন, বাণিজ্যিক ভবন, অফিস, রাস্তা, সেতু, কালভার্ট, স্মৃতিসৌধ, ভাস্কর্য, ওভারব্রিজ, ফ্লাইওভার, শিক্ষা প্রতিষ্ঠানসহ যে কোনো ধরনের অবকাঠামো নির্মাণের নকশা প্রণয়ন ও প্রযোজ্য ক্ষেত্রে, যে কোনো অবকাঠামোর ভিতরকার সৌন্দর্য বৃদ্ধিকল্পে ডিজাইন ও কন্সট্রাকশন প্রণয়ন অথবা তাহা বাস্তবায়ন করেন। অস্থায়ী ভিত্তিতে কোনো ভবনের অংশবিশেষের স্ট্রাকচার বা ডিজাইন পরিবর্তন সংক্রান্ত কার্যাদিও ইহার অন্তর্ভুক্ত হইবে।
	S0৫০.২০	গ্রাফিক ডিজাইনার: ব্যাখ্যা।- “গ্রাফিক ডিজাইনার” অর্থ এমন কোনো ব্যক্তি, প্রতিষ্ঠান বা সংস্থা যিনি বাণিজ্যিক ভিত্তিতে, পণের বিনিময়ে মুদ্রণ, ইলেকট্রনিক বা চলচ্চিত্র মাধ্যম (film media) ব্যবহার পূর্বক বিষয় (text) ও গ্রাফিক এর সমন্বয়ে দর্শনযোগ্য মাধ্যম (visual media) বা ডিজাইন, লোগো, গ্রাফিক, ব্রোশিউর, নিউজ লেটার, পোস্টার, সাইন, বিজনেস কার্ড, পোস্টকার্ড, ইনভয়েস, পুস্তক, বা এ ধরনের অন্য কোনো দর্শনযোগ্য পণ্য (visual communication) সৃষ্টি করেন।
S0৫১	S0৫১.০০	ইঞ্জিনিয়ারিং ফার্ম: ব্যাখ্যা।- “ইঞ্জিনিয়ারিং ফার্ম” অর্থ এমন কোনো ব্যক্তি, প্রতিষ্ঠান বা সংস্থা যিনি অথবা যাহারা বাণিজ্যিক ভিত্তিতে, নির্দিষ্ট চার্জ, ফি বা পণের বিনিময়ে ভবন, রাস্তাঘাট, সেতু, কালভার্ট,

স্মৃতিসৌধ, ভাস্কর্য, ওভারব্রীজ, ফ্লাইওভারসহ যে কোনো ধরনের অবকাঠামোগত ডিজাইন ও কন্সট্রাক্টিভ প্রণয়ন করেন অথবা উক্ত অবকাঠামোর নির্মাণ কাজ তদারকি বা বাস্তবায়ন করেন।

- So৫২ So৫২.০০ শব্দ ও আলোক সরঞ্জাম ভাড়া প্রদানকারী:**
ব্যাখ্যা।- “শব্দ ও আলোক সরঞ্জাম ভাড়া প্রদানকারী” অর্থ বাণিজ্যিক ভিত্তিতে, পণের বিনিময়ে কোনো সামাজিক, দাপ্তরিক, রাজনৈতিক বা যে কোনো অনুষ্ঠানে ব্যবহারের উদ্দেশ্যে যে কোনো ধরনের ইলেকট্রিক্যাল, ইলেকট্রোম্যাগনেটিক বা ইলেকট্রনিক শব্দ সরঞ্জাম অথবা আলোক সরঞ্জাম ভাড়া প্রদানকারী ব্যক্তি, প্রতিষ্ঠান বা সংস্থা।
- So৫৩ So৫৩.০০ বোর্ড সভায় যোগদানকারী:**
ব্যাখ্যা।- “বোর্ড সভায় যোগদানকারী” অর্থ এমন কোনো ব্যক্তি যিনি কোনো সরকারি, আধাসরকারি, বেসরকারি (এনজিও), বাংলাদেশে অবস্থিত আন্তর্জাতিক সংস্থা, স্বায়ত্বশাসিত প্রতিষ্ঠান, ব্যাংক, বীমা বা লিমিটেড কোম্পানীর বোর্ড বা বার্ষিক সাধারণ সভায় ফি বা সম্মানীর বিনিময়ে যোগদান করিয়া থাকেন।
- So৫৪ So৫৪.০০ উপগ্রহ চ্যানেলের মাধ্যমে বিজ্ঞাপন প্রচারকারী:**
ব্যাখ্যা।- “উপগ্রহ চ্যানেলের মাধ্যমে বিজ্ঞাপন প্রচারকারী” অর্থ এমন কোনো উৎপাদনকারী বা সেবা প্রদানকারী যিনি তাহার প্রতিষ্ঠানে উৎপাদিত মূসক আরোপযোগ্য যে কোনো পণ্য বা সেবার বিপণনের বা প্রচারণার উদ্দেশ্যে কোনো বিজ্ঞাপন প্রস্তুতকারী প্রতিষ্ঠানের মাধ্যমে বিজ্ঞাপন প্রস্তুতপূর্বক, পণের বিনিময়ে কোনো জাতীয় বা আন্তর্জাতিক ভূমিতে অথবা মহাকাশে স্থাপিত উপগ্রহ চ্যানেলের মাধ্যমে প্রচারের ব্যবস্থা করিয়া থাকেন।
- So৫৫ So৫৫.০০ ভূমি বিক্রয়কারী:**
ব্যাখ্যা।- “ভূমি বিক্রয়কারী” অর্থ এমন কোনো ব্যক্তি, প্রতিষ্ঠান বা সংস্থা যিনি মেট্রোপলিটন, মিউনিসিপ্যাল কর্পোরেশন বা পৌর এলাকার মাস্টার প্ল্যানের আওতাভুক্ত এলাকায় অবস্থিত উত্তরাধিকার সূত্রে, ক্রয়সূত্রে বা অন্য যে কোনো সূত্রে প্রাপ্ত ভূমি পণের বিনিময়ে অন্য কোনো ব্যক্তি, প্রতিষ্ঠান বা সংস্থার নিকট নিজে বা অন্যের মাধ্যমে বিক্রয় করেন। তবে ভূমি উন্নয়ন সংস্থা এই সংজ্ঞার অন্তর্ভুক্ত হইবে না।
- So৫৬ So৫৬.০০ ব্যাংকিং ও নন-ব্যাংকিং সেবা প্রদানকারী:**
ব্যাখ্যা।- “ব্যাংকিং ও নন-ব্যাংকিং সেবা প্রদানকারী” অর্থ কোনো রাষ্ট্রায়ত্ত্ব, দেশীয় বা বিদেশি বাণিজ্যিক ব্যাংক অথবা আর্থিক প্রতিষ্ঠান আইন, ১৯৯৩ (১৯৯৩ সনের ২৭ নং আইন) এর ধারা ২ এর দফা (খ) তে সংজ্ঞায়িত আর্থিক প্রতিষ্ঠান বা সংস্থা, যাহারা কমিশন, ফি বা চার্জের বিনিময়ে যে কোনো

মাধ্যমে ব্যাংকিং বা নন-ব্যাংকিং সেবা (স্টক এক্সচেঞ্জে তালিকাভুক্ত কোম্পানীর শেয়ার ক্রয়-বিক্রয় সংক্রান্ত সেবা ব্যতীত) প্রদান করিয়া থাকে।

So৫৭	So৫৭.০০	বিদ্যুৎ বিতরণকারী: ব্যাখ্যা।- “বিদ্যুৎ বিতরণকারী” অর্থ এমন কোনো ব্যক্তি, প্রতিষ্ঠান বা সংস্থা যিনি বাণিজ্যিক ভিত্তিতে উৎপাদিত অথবা ক্রীত অথবা অন্য যে কোনো উপায়ে প্রাপ্ত বিদ্যুৎ সরাসরি ভোল্টার নিকট পণের বিনিময়ে সরবরাহ করেন।
So৫৮	So৫৮.০০	চার্টার্ড বিমান বা হেলিকপ্টার ভাড়া প্রদানকারী সংস্থা: ব্যাখ্যা।- “চার্টার্ড বিমান বা হেলিকপ্টার ভাড়া প্রদানকারী সংস্থা” অর্থ এমন কোনো ব্যক্তি, প্রতিষ্ঠান বা সংস্থা যিনি পণের বিনিময়ে কোনো ব্যক্তি, প্রতিষ্ঠান বা সংস্থাকে চার্টারে বিমান বা হেলিকপ্টার ভাড়া প্রদান করেন।
So৫৯	So৫৯.০০	গ্লাসশীট প্রলেপকারী প্রতিষ্ঠান: ব্যাখ্যা।- “গ্লাসশীট প্রলেপকারী প্রতিষ্ঠান” অর্থ এমন কোনো ব্যক্তি, প্রতিষ্ঠান বা সংস্থা যিনি বাণিজ্যিক ভিত্তিতে পণের বিনিময়ে গ্লাসশীটের উপর নিজস্ব প্লান্ট বা মেশিনারী দ্বারা প্রতিফলন কোটিং বা আন্তরণ বা প্রলেপ প্রদান করেন এবং সরবরাহকারীর চাহিদা মোতাবেক সাইজ বা আকৃতি প্রদানের নিমিত্তে কাটিং কার্যও সম্পাদন করেন।
So৬০	So৬০.০০	নিলামকৃত পণ্যের ক্রেতা: ব্যাখ্যা।- “নিলামকৃত পণ্যের ক্রেতা” অর্থ এমন কোনো ব্যক্তি, প্রতিষ্ঠান বা সংস্থা যিনি অর্থের বিনিময়ে নিলাম ডাকের মাধ্যমে বা দরপত্র দ্বারা বা দরপত্র ছাড়া কোনো সরকারি, আধা-সরকারি, স্বায়ত্তশাসিত প্রতিষ্ঠান, বেসরকারি সংস্থা (এনজিও), ব্যাংক, বীমা বা অন্য কোনো আর্থিক প্রতিষ্ঠান, লিমিটেড কোম্পানী বা শিক্ষা প্রতিষ্ঠানের স্বাবর বা অস্থাবর সম্পত্তি বাণিজ্যিক বা ব্যক্তিগত ব্যবহারের উদ্দেশ্যে ক্রয় করিয়া থাকেন।
So৬১	So৬১.০০	ক্রেডিট কার্ড প্রদানকারী প্রতিষ্ঠান: ব্যাখ্যা।- “ক্রেডিট কার্ড প্রদানকারী প্রতিষ্ঠান” অর্থ এমন কোনো ব্যাংক বা আর্থিক সংস্থা বা প্রতিষ্ঠান যাহারা তদকর্তৃক নির্ধারিত ফি বা চার্জের বিনিময়ে, আর্থিক লেনদেনের সুবিধার্থে, ক্রেডিট কার্ড ইস্যু বা নবায়ন করিয়া থাকে।
So৬২	So৬২.০০	অর্থ বিনিময়কারী (মানি চেঞ্জার) প্রতিষ্ঠান: ব্যাখ্যা।- “অর্থ বিনিময়কারী (মানি চেঞ্জার) প্রতিষ্ঠান” অর্থ এমন কোনো ব্যক্তি, সংস্থা বা প্রতিষ্ঠান যিনি অর্থের বিনিময়ে সকল প্রকার বৈদেশিক মুদ্রা ক্রয়-বিক্রয় বা বিনিময় করিয়া থাকেন।
So৬৩	So৬৩.০০	টেইলারিং সপ ও টেইলার্স:

		<p>ব্যাখ্যা।- “টেইলারিং সপ ও টেইলার্স” অর্থ এমন কোনো ব্যক্তি, সংস্থা বা প্রতিষ্ঠান যিনি অর্থের বিনিময়ে যে কোনো ধরনের পরিধেয় পোশাক বা সাজ-সজ্জার জন্য কাপড় বা প্রক্রিয়াজাত চামড়া বা অনুরূপ দ্রব্যাদি কাটিং, ডিজাইন ও সেলাই করেন।</p>
S০৬৪	S০৬৪.১০	<p>এ্যামিউজমেন্ট পার্ক ও থিম পার্ক: ব্যাখ্যা।- “এ্যামিউজমেন্ট পার্ক ও থিম পার্ক” অর্থ এমন কোনো স্থান যেখানে পণের বিনিময়ে প্রবেশাধিকারসহ যান্ত্রিক খেলনা, রাইড, অবকাঠামো বা প্রদর্শনীর মাধ্যমে দর্শনার্থীদের জন্য বিনোদনের ব্যবস্থা করা হয়।</p>
	S০৬৪.২০	<p>পিকনিক স্পট, শ্যুটিং স্পট ও পর্যটন স্থান বা স্থাপনা: ব্যাখ্যা।- “পিকনিক স্পট, শ্যুটিং স্পট ও পর্যটন স্থান বা স্থাপনা” অর্থ প্রকৃতি প্রদত্ত অথবা বাণিজ্যিক উদ্দেশ্যে ব্যবহারের লক্ষ্যে পরিকল্পিতভাবে উন্নয়নকৃত কোনো স্থান বা স্থাপনা যাহা, অন্য কোনো সেবা, সুবিধা বা উপযোগিতা প্রদান করা হউক বা না হউক, পণের বিনিময়ে ভাড়া দেওয়া হয় এবং ইজারা প্রদত্ত না হইলে কোনো ঐতিহাসিক স্থানও ইহার অন্তর্ভুক্ত হইবে।</p>
S০৬৫	S০৬৫.০০	<p>ভবন, মেঝে ও অংগন পরিষ্কার বা রক্ষণাবেক্ষণকারী সংস্থা: ব্যাখ্যা।- “ভবন, মেঝে ও অংগন পরিষ্কার বা রক্ষণাবেক্ষণকারী সংস্থা” অর্থ পণের বিনিময়ে সরকারি, আধা-সরকারি, স্বায়ত্তশাসিত প্রতিষ্ঠান, বেসরকারি সংস্থা (এনজিও), ব্যাংক, বীমা বা অন্য কোনো আর্থিক প্রতিষ্ঠান, লিমিটেড কোম্পানী, শিক্ষা প্রতিষ্ঠান বা আন্তর্জাতিক সংস্থার ভবন, মেঝে ও অংগন পরিষ্কারের কার্যে নিয়োজিত কোনো ব্যক্তি, প্রতিষ্ঠান বা সংস্থা।</p>
S০৬৬	S০৬৬.০০	<p>লটারীর টিকিট বিক্রয়কারী: ব্যাখ্যা।- “লটারীর টিকিট বিক্রয়কারী” অর্থ এমন কোনো ব্যক্তি, সংস্থা বা প্রতিষ্ঠান যিনি কমিশনের বিনিময়ে সকল প্রকার লটারীর টিকিট বিক্রয় করিয়া থাকেন।</p>
S০৬৭	S০৬৭.০০	<p>ইমিগ্রেশন উপদেষ্টা: ব্যাখ্যা।- “ইমিগ্রেশন উপদেষ্টা” অর্থ এমন কোনো ব্যক্তি বা প্রতিষ্ঠান বা সংস্থা যিনি বা যাহারা বিদেশ গমন বা বিদেশি নাগরিকত্ব লাভের উদ্দেশ্যে পণের বিনিময়ে কোনো ব্যক্তি বা সংস্থাকে কোনো পরামর্শ প্রদানসহ প্রত্যক্ষ বা পরোক্ষভাবে উক্ত বিষয় সম্পর্কিত কোনো কার্যনির্বাহ করিয়া থাকেন।</p>
S০৬৮	S০৬৮.০০	<p>কোচিং সেন্টার: ব্যাখ্যা।- “কোচিং সেন্টার” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা পণের বিনিময়ে বিউটিফিকেশন প্রশিক্ষণ, বিভিন্ন শিক্ষা প্রতিষ্ঠানে ভর্তি, পরীক্ষায় উন্নত ফলাফল লাভ, বিদেশি ভাষা শিক্ষা ও দক্ষতা অর্জন, চাকুরী পাওয়ার উদ্দেশ্যে এবং প্রতিযোগিতামূলক পরীক্ষায় ভালো ফলাফলের জন্য এককভাবে কিংবা এক বা একাধিক সহযোগী সহযোগে যে কোনো স্থান, সেন্টার বা প্রতিষ্ঠানে ছাত্র-ছাত্রী বা ব্যক্তিবর্গকে প্রশিক্ষণ বা পাঠদান করিয়া থাকেন এবং GMAT, GRE,</p>

TOEFL ও IELTS প্রশিক্ষণও ইহার অন্তর্ভুক্ত হইবে।

S০৬৯	S০৬৯.০০	ইংলিশ মিডিয়াম স্কুল: ব্যাখ্যা।- “ইংলিশ মিডিয়াম স্কুল” অর্থ এইরূপ কোনো শিক্ষা প্রতিষ্ঠান যেখানে পণের বিনিময়ে আন্তর্জাতিক পাঠ্যক্রম অনুসারে ইংরেজি ভাষায় পাঠ দান করা হয়। জাতীয় শিক্ষাক্রম অনুসারে ইংরেজি মাধ্যমের (Version) শিক্ষা ইহার আওতা বহির্ভূত হইবে।
S০৭০	S০৭০.০০ S০৭০.১০	বেসরকারি বিশ্ববিদ্যালয় এবং মেডিকেল ও ইঞ্জিনিয়ারিং কলেজ: বেসরকারি বিশ্ববিদ্যালয়: ব্যাখ্যা।- “বেসরকারি বিশ্ববিদ্যালয়” অর্থ এইরূপ কোনো বেসরকারি প্রতিষ্ঠান যেখানে পণের বিনিময়ে পাঠদান শেষে স্নাতক ও স্নাতকোত্তর ডিগ্রি প্রদান করা হইয়া থাকে।
	S০৭০.২০	বেসরকারি মেডিকেল ও ইঞ্জিনিয়ারিং কলেজ: ব্যাখ্যা।- “বেসরকারি মেডিকেল ও ইঞ্জিনিয়ারিং কলেজ” অর্থ এইরূপ কোনো বেসরকারি প্রতিষ্ঠান যেখানে পণের বিনিময়ে পাঠদান শেষে মেডিকেল বা ইঞ্জিনিয়ারিং বিষয়ে স্নাতক ও স্নাতকোত্তর ডিগ্রি প্রদান করা হইয়া থাকে।
S০৭১	S০৭১.০০	অনুষ্ঠান আয়োজক: ব্যাখ্যা।- “অনুষ্ঠান আয়োজক” অর্থ এমন কোনো ব্যক্তি, প্রতিষ্ঠান বা সংস্থা, যিনি বা যাহারা, পণের বিনিময়ে অপর কোনো ব্যক্তি বা প্রতিষ্ঠানের যে কোনো ধরনের অনুষ্ঠান আয়োজনে সহায়তা করিয়া থাকেন।
S০৭২	S০৭২.০০	মানব সম্পদ সরবরাহ বা ব্যবস্থাপনা প্রতিষ্ঠান: ব্যাখ্যা।- “মানব সম্পদ সরবরাহ বা ব্যবস্থাপনা” অর্থ কোনো মন্ত্রণালয়, বিভাগ বা দপ্তর, আধা-সরকারি বা স্বায়ত্বশাসিত কোন সংস্থা, রাষ্ট্রীয় মালিকানাধীন কোনো প্রতিষ্ঠান, স্থানীয় কর্তৃপক্ষ, পরিষদ বা অনুরূপ কোনো সংস্থা, এনজিও বিষয়ক ব্যুরো বা সমাজসেবা অধিদপ্তর কর্তৃক অনুমোদিত কোনো বেসরকারি প্রতিষ্ঠান, কোনো ব্যাংক, বীমা কোম্পানি বা অনুরূপ আর্থিক প্রতিষ্ঠান, কোনো মাধ্যমিক বা তদূর্ধ্ব পর্যায়ের শিক্ষা প্রতিষ্ঠান, কোনো লিমিটেড কোম্পানি এবং ১ (এক) কোটি টাকার অধিক টার্নওভারযুক্ত প্রতিষ্ঠানে সুনির্দিষ্ট কাজ সম্পাদনের লক্ষ্যে বা সামগ্রিক ব্যবস্থাপনার লক্ষ্যে চুক্তির ভিত্তিতে পণের বিনিময়ে দক্ষ, অদক্ষ জনশক্তি সরবরাহ বা দাপ্তরিক সেবা প্রদানকারী কোনো ব্যক্তি, প্রতিষ্ঠান বা সংস্থা। শ্রম হ্যান্ডলিং বা শ্রমিক ঠিকাদার প্রতিষ্ঠান বা শ্রমিক সরবরাহকারী প্রতিষ্ঠানও ইহার অন্তর্ভুক্ত হইবে।
S০৭৩	S০৭৩.০০	জনশক্তি রপ্তানিকারী প্রতিষ্ঠান: ব্যাখ্যা।- “জনশক্তি রপ্তানীকারী প্রতিষ্ঠান” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা, জনশক্তি বা কর্মসংস্থান ব্যুরো বা সমজাতীয় অন্য কোনো কর্তৃপক্ষের অধীনে

তালিকাভুক্ত বা নিবন্ধিত হইয়া বাংলাদেশ হইতে বিদেশে কিংবা বিদেশ হইতে বাংলাদেশে লোকবল নিয়োগে বিভিন্ন দপ্তরের মধ্যে সমন্বয় সাধনসহ কমিশন বা চার্জ বা ফি এর বিনিময়ে ভিসা প্রসেসিং ও অন্যান্য দাপ্তরিক সেবা প্রদান করেন।

S০৭৪	S০৭৪.০০	স্থান ও স্থাপনা ভাড়া গ্রহণকারী: ব্যাখ্যা।- “স্থান ও স্থাপনা ভাড়া গ্রহণকারী” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা আবাসিক কাজে ব্যবহার্য নয় এরূপ কোনো স্থান বা স্থাপনা পণের বিনিময়ে নির্দিষ্ট মেয়াদে ব্যবহার করিবার অধিকারী এবং নির্দিষ্ট মেয়াদান্তে নবায়নযোগ্য উক্তরূপ অধিকার অর্জনও ইহার অন্তর্ভুক্ত হইবে।
S০৭৫	S০৭৫.০০	স্টক ও সিকিউরিটি ব্রোকার: ব্যাখ্যা।- “স্টক ও সিকিউরিটি ব্রোকার” অর্থ কমিশনের বিনিময়ে কোনো বেনিফিসিয়ারী ওনার’স একাউন্টসধারী ব্যক্তি বা প্রতিষ্ঠানের পক্ষে শেয়ার ক্রয়-বিক্রয় কার্যে নিয়োজিত কোনো ব্যক্তি বা প্রতিষ্ঠান বা সংস্থা।
S০৭৬	S০৭৬.০০	সামাজিক ও খেলাধুলা বিষয়ক ক্লাব: ব্যাখ্যা।- “সামাজিক ও খেলাধুলা বিষয়ক ক্লাব” অর্থ গলফ ক্লাব, রেসিং গ্লেস, ফ্লাইং ক্লাব, ড্রাইভিং ক্লাবসহ এমন কোনো সামাজিক অথবা খেলাধুলা বিষয়ক সংগঠন বা সংস্থা বা প্রতিষ্ঠান যেখানে পণের বিনিময়ে অন্যান্য সেবা সরবরাহ করা হয়। তবে ফুটবল, ক্রিকেট, হকি, ভলিবল, কাবাডি, বাস্কেটবল, হ্যান্ডবল, ইত্যাদি খেলাসহ অলিম্পিক গেমসের অন্তর্ভুক্ত সকল ইভেন্ট ইহার আওতা বহির্ভূত হইবে।
S০৭৭	S০৭৭.০০	টুর অপারেটর: ব্যাখ্যা।- “টুর অপারেটর” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা, বাণিজ্যিক ভিত্তিতে অপর কোনো ব্যক্তি বা প্রতিষ্ঠানের দেশে বা বিদেশে যে কোনো ধরনের ভ্রমণ আয়োজনে সহায়তা করে থাকেন।
S০৭৮	S০৭৮.০০	তৈরি পোশাক বিপণন: “তৈরি পোশাক বিপণন” অর্থ নিজস্ব প্রস্তুতকৃত বা অন্যের দ্বারা প্রস্তুতকৃত (নিজস্ব ব্র্যান্ড হউক বা না হউক) যে কোনো ধরনের তৈরি পোশাকের উৎপাদন ও বিপণনকে বুঝাইবে। ব্যাখ্যা।- (ক) নিজস্ব ব্র্যান্ড সংবলিত তৈরি পোশাক বিপণন: “নিজস্ব ব্র্যান্ড সংবলিত তৈরি পোশাক বিপণন” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা, নিজস্ব ব্র্যান্ড বা ট্রেডমার্ক ব্যবহার করিয়া পরিধেয় পোশাক নিজস্ব অথবা চুক্তিভিত্তিক কারিগরের দ্বারা উৎপাদন অথবা আমদানি করিয়া নিজস্ব শো-রুম বা বিপণন কেন্দ্র থেকে পণের বিনিময়ে বিক্রয় করেন; এবং (খ) নিজস্ব ব্র্যান্ড ব্যতীত তৈরি পোশাক বিপণন:

“নিজস্ব ব্রান্ড ব্যতীত তৈরি পোশাক বিপণন” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা, সকল প্রকার পরিধেয় পোশাক নিজস্ব ব্রান্ড বা ট্রেডমার্ক ব্যবহার ব্যতীত নিজস্ব অথবা চুক্তিভিত্তিক কারিগরের দ্বারা উৎপাদন করিয়া পণের বিনিময়ে বিক্রয় করেন।

S০৭৯

S০৭৯.০০

সোশ্যাল মিডিয়া ও ভার্চুয়াল বিজনেস:

ব্যাখ্যা।- “সোশ্যাল মিডিয়া ও ভার্চুয়াল বিজনেস” অর্থ যে কোনো ধরনের নিজস্ব বিক্রয় বা ব্যবসা কেন্দ্র ব্যতীত ইলেকট্রনিক নেটওয়ার্ক ব্যবহারের মাধ্যমে ইন্টারনেট বা ওয়েব বা সোশ্যাল মিডিয়া বা মোবাইল এপ্লিকেশন ভিত্তিক প্ল্যাটফর্ম বা অনুরূপ যে কোনো মিডিয়া ব্যবহার করিয়া বিজ্ঞাপন, পরিবহন যোগাযোগ স্থাপন, ই-কমার্সের মাধ্যমে পণ্য বা সেবার ক্রয়-বিক্রয় বা হস্তান্তরকে বুঝাইবে; তবে, টেলিকম অপারেটরগণকে প্রদত্ত যে কোনো ধরনের মোবাইল ভ্যালু এ্যাডেড সার্ভিস ইহার অন্তর্ভুক্ত হইবে না।

S০৯৯

S০৯৯.১০

তথ্য-প্রযুক্তি নির্ভর সেবা (Information Technology Enabled Services):

ব্যাখ্যা।- “তথ্য-প্রযুক্তি নির্ভর সেবা (Information Technology Enabled Services)” অর্থ Digital Content Development and Management, Animation (Both 2D and 3D), Geographic Information Services (GIS), IT Support and Software Maintenance Services, Software Development and Customization, Website Development and Services, Website Hosting, Digital Data Analytics, Business Process Outsourcing, Data Entry, Data Processing, Call Centre, Digital Graphics Design and Computer Aided Design, Search Engine Optimization, Web Listing, Document Conversion, Imaging and Archiving, Overseas Medical Transcription, Cyber Security Services, E-Procurement and E-Auction.

S০৯৯.২০

অন্যান্য বিবিধ সেবা:

ব্যাখ্যা।- “অন্যান্য বিবিধ সেবা” অর্থ মূল্য সংযোজন কর ও সম্পূরক শুল্ক আইন, ২০১২ এর প্রথম তফসিলে অন্তর্ভুক্ত নয়, এই প্রজ্ঞাপনে সংজ্ঞায়িত করা হয় নাই এবং উক্ত আইনের ধারা ১২৬ অনুযায়ী অব্যাহতিপ্রাপ্ত নয়, পণের বিনিময়ে প্রদত্ত এমন সকল সেবা।

S০৯৯.৩০

স্পন্সরশীপ সেবা (Sponsorship Services):

ব্যাখ্যা।- “স্পন্সরশীপ সেবা (Sponsorship services)” অর্থ Sponsorship services includes naming an event after the sponsor, displaying the sponsor’s company logo or trading name, giving the sponsor exclusive or priority booking rights, sponsoring prizes or trophies for

competition; but does not include any sports event involving national teams of Bangladesh. It also excludes any financial or other support in the form of donations or gifts, given by the donors subject to the condition that the service provider is under no obligation to provide anything in return to such donations.

So৯৯.৪০ মেডিটেশন সেবা:

ব্যাখ্যা।- “মেডিটেশন সেবা” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা, পণের বিনিময়ে মনোদৈহিক রোগগ্রস্ত, হতাশাগ্রস্ত এবং নানাবিধ শারীরিক জটিল ব্যাধিতে আক্রান্ত রোগীকে অথবা যে কোনো ব্যক্তিকে মেডিটেশন, ধ্যানচর্চা, কাউন্সেলিং, মোহিতকরণ বা অনুরূপ কোনো পদ্ধতিতে মানসিক ও মনোদৈহিক উৎকর্ষ সাধন বা প্রশান্তি আনয়নের লক্ষ্যে সেবা প্রদান করেন।

So৯৯ So৯৯.৫০ ক্রেডিট রেটিং এজেন্সি:

ব্যাখ্যা।- “ক্রেডিট রেটিং এজেন্সি” অর্থ এমন কোনো ব্যক্তি, প্রতিষ্ঠান বা সংস্থা যিনি বা যাহারা পণের বিনিময়ে কোনো ব্যক্তি, প্রতিষ্ঠান বা সংস্থার আর্থিক অবস্থা পর্যালোচনাপূর্বক ঋণ পরিশোধের সামর্থ্য পরিমাপ করে এবং আর্থিক অবস্থা বিশ্লেষণও ইহার অন্তর্ভুক্ত হইবে।

০২। এই প্রজ্ঞাপন ১৭ আষাঢ়, ১৪২৬ বঙ্গাব্দ মোতাবেক ০১ জুলাই, ২০১৯ খ্রিস্টাব্দ তারিখে কার্যকর হইবে।

জাতীয় রাজস্ব বোর্ডের আদেশক্রমে,

(হাছান মুহম্মদ তারেক রিকাবদার)
প্রথম সচিব (মুসক নীতি)